

# Powšitkowne WOZJEWJENJA

njedźelu, 31. měrca 2013

## **Prapremjera duchowneho oratorija „Serbske jutry“**

Nowy duchowny oratorij „Serbske jutry“ z pjera Jana Cyža a Chrysty Meškankoweje zaklinči přeni raz sobotu, 13. apryla, w 19.30 hodž. w Chróšćanskej cyrkwi. Tuta hudźbna twórba nastaj so składnostnje 150. róčnicy wobstaća Towarstwa Cyrila a Metoda z.t. a wuchadženja Katolskeho Posoła. Pod wumělskim nawodom Friedemanna Böhme hraje orchester Serbskeho ludoweho ansambla (SLA) z dalšimi hudźbnikami, spěwaja chóry Meja, Lilija, Delany a cyrkwinske chóry z Chrósćic, Njebjelčic a Wotrowa kaž tež chóraj Bratrowstwa a SLA. Solistiske dźěle přewozmu Daniela Hazec, Tanja Donatec, Michal Foršta a Gerald Schön. Chróšćanscy wosadni dujerjo, šola a Jakub Hantuš jako řečnik w nowym duchownym oratoriju tohorunja sobuskutkuja. Wopytowarjo smědža so na wosebitu hudźbnu chłóšćenku wjeselić. Druhe předstajenje oratorija budže njedźelu, 14. apryla, w 17 hodž. w Chróšćanskej cyrkwi. Zastup je darmotny, za wudawki prosy pak so wo pjenježny dar do korbika při durjach. Wšitcy zajimcy su wutrobnje přeprošeni.

## **Městna za putnikowanje na Morawu hišće swobodne**

Składnostnje 1.150. róčnicy přichada swjateju Cyrila a Metoda na Morawu planuje Towarstwo Cyrila a Metoda z.t. wot štwórtka do njedźele, 4. do 7. julija, putnikowanje wěriwych ze serbskich wosadow na Velehrad. Někotre městna su hišće swobodne. Štóž ma zajim, so na tutym putnikowanju wobdźělić, njech so skazanja hotela dla hač do pjatka, 12. apryla, w redakciji Katolskeho Posoła přizjewi, telefonowe čisło (0 35 91) 55 02 12.

## **Emmauske pućowanje**

Wšitcy serbscy młodostni su tež lětsa na Emmauske pućowanje přeprošeni – a to jutrowny štwórtk, 4. apryla, do Dubrjenka. Pućowanje zahaji so we 18 hodž. we wjesnej kapałce.

## **Putniskej jězbje do Heiligenstadta a Korutanskeje**

Lětušej putniskej jězbje z Tereziju Kubašec powjedzetej putnikow do Eichsfelda a Korutanskeje. Přenja budže wot pónđzele do srjedy, 3. do 5. junija, přenocowanje je w Heiligenstadće planowane. W nazymskich prózdninach je tydženska putniska jězba do Tinje w Korutanskej předwidžana, a to wot soboty do soboty, 19. do 26. oktobra. Dalše informacije poda a přizjewjenja přijimuje Terezija Kubašec w Radworju, telefonowe čisło (03 59 35) 2 04 25.

## **Ekumeniski nyšpor w Drježdźanach**

Wšitcy Serbja w Drježdźanach, jich přiwuzni a přećeljo su wutrobnje přeprošeni na ekumeniski serbski nyšpor sobotu, 6. apryla, ze superintendentom Janom Malinkom. Nyšpor budže w 15 hodž. w cyrkwi swjateho Józefa w Drježdźanach-Pieschenje, Rehefeldska 61. Po nyšporje zetkamy so w Šoćic kofejowni na bjesadu.

*M. Bubnarjec*

## **Nalětni koncert w Haslowje**

Skupina JANKAHANKA wuhotuje njedźelu, 7. apryla, w 15.30 hodž. nalětni koncert pola Bizoldec w Haslowje. Wot 15 hodž. poskića tam swačinu.